

Dikomiti tša ka Gare

Ngwako wa Bosetšhaba o na le dikomiti tše mmalwa tša ka gare tše di šomago ka merero yeo e amago tsamaišo ya Palamente. Gantši dikomiti tše di ba le Maloko magolo a Palamente. Komiti ya Melao le Dikomititlaleletšo di šoma ka melao ya ka Ngwakong, tekanyetšokabo ya ka Ngwakong wa Bosetšhaba, thekgo ya Maloko, dipeakanyo tša ka Ngwakong wa Bosetšhaba le maatla le ditshwanelo tša maloko. Dikomiti tše dingwe tša ka Gare ke re the Komiti ya Mananeo yeo e thalago mošomo wa Ngwako wa Setšhaba, wa Komiti ya Dipekanyo le Komiti ya Badulasetulo.

Khansela ya Bosetšhaba ya Diprofense e na le dikomiti tša yona tša selegae. Komiti ya Melao le Dikomititlaleletšo di šoma ka melao ya NCOP, tekanyetšokabo ya NCOP, ditshwanelo tša Palamente, dipeakanyo tša boditšhabatšhaba le melao yeo e kgethlwego. Komiti ya Mananeo e thalathala mošomo wa NCOP gomme Komiti ya Badulasetulo e eletša ka tshepedišo ya dikomiti le diforamo tše dingwe tša NCOP.

Dikomiti tša Nakwana

Palamente goba ye nngwe ya Mengwako e ka kgetha komiti ya nakwana ge go na le mošomo o itšego woo o hlokagalago. Ge mošomo wo o fedile, komiti e a phatlalatšwa.

Dikomiti tša Mokopanelwa

Ngwako wa Bosetšhaba le Khansela ya Bosetšhaba ya Diprofense ba ka kgetha dikomiti tša mokopanelwa mmogo, mohlala, Komiti ya go Lebeledišiša Molaotheo.

Komiti ya Saruri ya Mokopanelwa ya Bohlodi le Komiti ya Saruri ya Mokopanelwa ya Tšhireletšo ke dikomiti tše di hlomilwego ke molao. Seo se ra gore di hlomilwe, ka Molaotheo goba ka Molao wa Palamente, mmogo le go ka melao ya Palamente.

Dikomiti di bapala karolo e bohlokwa mo tshepedišong ya go aga demokrasi le go akaretša setšhaba mo tshepedišong le mediro ya Palamente.

Letlakajana le le hwetšagala ka maleme a semmušo kamoka a Afrika Borwa.



PARLIAMENT
OF THE REPUBLIC OF SOUTH AFRICA

Produced by the Public Education Office • Parliamentary Communication Services • INSPIRED BY PEOPLE
www.parliament.gov.za • P.O. Box 15, Cape Town, 8000 • Telephone: (021) 403 3341 • Facsimile: (021) 403 3303



PARLIAMENT
OF THE REPUBLIC OF SOUTH AFRICA



Sepedi
Dikomiti tša Palamente
Dikomiti tša Palamente

MEŠOMO YEO E DIRWAGO KE DIKOMITI TŠA PALAMENTE

Mengwako e mebedi ya Palamente, Ngwako wa Bosethaba le Khansele ya Bosethaba ya Diprofense, e dira mešomo ya yona ka go dikopanong tša ditulo tša Palamente. (moo Maloko a a ngwako a kopanago mmogo bjalo ka sehlopha se tee), ka dikopano tša mohlakanelwa (moo Maloko a mengwako ye mebedi a kopanago bjalo ka sehlopha se tee), le dikomiti (Maloko ka dihlopha tše di nnyane)

Go šoma ka Dikomiting go fa Palamente sebaka sa go:

- Oketša mošomo woo o ka dirwago
- Netefatša gore merero e ka rerwa ka botlalo go feta ka dikopanong tša tulo.
- Oketša tsela yeo Maloko a Palamente (diMP) a tšeago karolo ka yona ditherišanong.
- Kgontšha diMP go godiša bokgoni le tsebo ya mošomo wa karolo e itšego ya mošomo wa yona,
- E fa setšhaba sebaka sa go tšweletša maikutlo a bona thwii go diMP, seo se sa kgonagalego ka dikopanong tša ditulo tša Palamente
- E fa Palamente sebaka sa go theeletša le go kgoboketša tshedimošo yeo e lego mabapi le mošomo wa Komiti e itšego.

Dikomiti ka bophara di na le maloko ao a lekanego a mekgatlo yeo e lego ka Palamenteng. Dikopano tša komiti di buletšwe setšhaba, feela di ka tswalelwa ge go na le lebaka la go dira seo.

Dikomiti ka go fapana di na le e tee goba tše dintši tša mediro ye e latelago:

- Ba lebeledišiša le go hlokomedišiša mošomo le tekanyetšo ya magoro a bosetšhaba a mmušo gomme magoro a a ikarabela dikomiting.
- Ba eleletša le go fetola Melaokakanywa ebile ba ka thoma Melaokakanywa ka bobona.
- Ba eleletša ditšhišinyo tša maloko a praebete le theramelao ya diprofense le diphethišene tše di ikgethegilego
- Ba eleletša dikgwerano le ditumelelano tša boditšhabatšhaba
- Ba hlahloba dikarolo tše itšego tša bophelo bja setšhaba goba dinyakwa tša setšhaba
- Ba hlokomela merero ya Palamente ya tša selegae

Dikomiti di na le maatlā a go laela motho ofe goba ofe gore a tle komiting go fa bohlatse le go tšweletša ditokomane tše di hlokegago. Gape ba ka laela motho goba motheo ofe goba ofe go tla go ipega go bona. Dikomiti di ka amogela diphethišene, boemedi le ditšhišinyo go tšwa go setšhaba. Komiti ye nngwe le ye nngwe e na Modulasetulo wa yona.

DIKOMITI TŠA GO FAPANA TŠA PALAMENTE

Dikomiti tša go fapana tša Palamente

Ngwako wa Bosetšhaba (NA) o fa ba bangwe ba maloko a yona palo ya Dikomiti tša Photefolio maikarabelo a go hlokomedišiša mošomo wa magoro a bosetšhaba a mmušo a go fapana.

Dikomiti tša Palamente

Karolo ye e bapalwago ke Dikomiti tša Photefolio:

- Go eleletša Melaokakanywa,
- Go šoma ka di tekanyetšo-kabo tša magoro a mmušo,
- Hlokomela mošomo o legoro leo le lebanego le wona le go nyakišiša le go fa dikeletšo ka merero ya lgoro leo, go akaretša sebopego, mediro le pholisi ya lona.enquire and make recommendations about any aspect of the department, including its structure, functioning and policy.

Mošomo wa dikomiti ga o felele feela mo mmušong ba ka nyakišiša le merero e mengwe yeo e lego karolo ya setšhaba. Lekala le lengwe le le lengwe la bosetšhaba le na le komiti ya lona ya phothefolio le legoro/magoro a mmušo ao a sepelelanago le tšona.

Dikomiti tše di Kgethilwego

Khansele ya Bosetšhaba ya Diprofense (NCOP) e fa a mangwe a maloko a bona a saruri palo e itšego ya dikomiti tše di kgethilwego maikarabelo a go hlokomela mešomo ya magoro ao a fapanego a bosetšhaba a mmušo le go šoma ka Melaokakanywa.

Ka lebaka la gore go na le 54 ka go 90 ya maloko a NCOP, maloko a bona ke a saruri ge o bapetša le a 400 ka go NA, Dikomiti tše di Kgethilwego di hlokomedišiša mešomo ya magoro a mantši a bosetšhaba a mmušo.

Dikomiti tša Akhaonte ya Setšhaba

Komiti ya Saruri ya NA ya Akhaonte ya Setšhaba ya Akhaonte ya Setšhaba e šoma bjalo ka mohlokomedi wa tsela yeo khuduthamaga e šomišago metšhelo ya setšhaba ka yona. Ngwageng o mongwe le o mongwe Mohlakiši-Pharephare o tliša dipego tša diakhaonte le taolo ya ditšhelete tša magoro ao a fapanego a mmušo le metheo ya mmušo.

Nako le nako baetapele ba magoro a mmušo le ba metheo ya mmušo ba biletšwa go fa dipego tša ditshenyagelo tša bona. Komiti e ka eletša gore Ngwako ya Bosetšhaba o tšee magato a go lokiša ge go na le mo go senyegilego.

Ditšhišinyo tša Semolao tša Maloko le Diphethišene tša Dikomiti

Maloko a Bosetšhaba a ka tliša Melaokakanywa yeo e thalathaladilwego. Melaokakanywa ye e tla eleletšwa ka go Komiti ya Saruri ya Ngwako wa Bosetšhaba ka Ditšhišinyo tša Semolao tša Maloko a Praebete le Diphethišene tše di kgethegilego. Ge Komiti e dumelelana le metheo ya Melaokakanywa woo, Melaokakanywa woo o tla lokišwa gomme wa rerwa ke Palamente.

Komiti ye e Kgethilwego ya Khansele ya Bosetšhaba ya Diprofense ya Ditšhišinyo tša maloko le tša Diprofense di eleletša Melaokakanywa go tšwa malokong a NCOP ka o tee ka o tee go tšwa go ditheramelao tša diprofense.

Diphethišene di ka išwa gape go Palamente gomme tša fetišetšwa go komiti yeo e šomago ka merero yeo e hlagišitšwego ka mo phethišeneng.